

元和縣志卷之三十六

藝文 補從前未備

題虎邱山西寺

唐 朱長文

王氏家山昔在茲陸機爲賦陸雲詩青蓮香匝東西
寺日月與僧無盡時

蘇州不住遙望武邱報恩兩寺 李 紳

秋山古寺東西遠竹院松門悵望同幽鳥靜時侵徑
月野煙消處滿林風塔分朱雁餘霞外刹對金螭落
照中官備散寮身却累往來慙謝二蓮宮

元和縣志

卷三十六 藝文

一

眞娘墓

沈亞之

金釵淪劍壑茲地似花臺油壁何人值錢塘度曲哀
翠餘長染柳香重欲薰梅但道行雲去應隨蝶夢來

虎邱寺贈漁處士

趙 嘏

蘭若雲深處前年客重過巖空秋色動水濶夕陽多
早負江河志今如鬢髮何唯思閒勝我釣艇在煙波
虎邱寺殿前有古杉一本形狀醜怪圖之不盡
况百卉競媚若妬若媚唯此杉死抱竒節
然闐然不知雨露之可生也風霜之可瘁也

乃造化者方外之材乎遂賦三百言以見志

皮日休

種日應逢晉枯來必自隋鰐狂將立處螭鬪未開時
卓犖擲槍榦义牙束戟枝初驚繆篆活復訝獠狂癡
勁質如堯瘦貞容學舜徽勢能擒土伯醜可駭山祇
虎爪拿巖穩虬身脫浪歌槎頭秃似刷枿背利於錐
突兀方相脛鱗皺夏氏胝根應藏鬼血柯欲漏龍爨
拗似神荼怒呀如猓猯飢朽癰難可吮枯瘡不堪治
一炷元雲拔三尋黑稍竒狼頭敦窳豎蠹尾掘孿垂

元和縣志

卷三十六

藝文

二

目燥那逢燿心開豈中鉞任苔爲疥癬從蠹作瘡瘻
品格齊遼鶴年齡等寶龜將懷縮地力欲負拔山姿
未倒防風骨初僵負貳屍漆書明古本鐵室抗全師
礮礪還無極伶俜又莫持堅應敵駿骨文定寫虺皮
蟠屈愁凌刹騰驤恐攫池搶煙寒嶼嶰披葛靜襪襪
威仰誠難識勾芒恐不知好燒胡律看堪共達多期
寡色諸芳笑無聲衆籟疑終添八柱位未要一繩維
盡日來唯我當春玩更誰他年如入用直構太平基

江湖散人歌

陸龜蒙

江湖散人天骨竒短髮搔來蓬半垂手猥孤篁曳寒
繭口誦太古滄浪詞詞云太古萬萬古民性甚野無
風期夜棲止與禽獸雜獨自構架縱橫枝因而稱曰
有巢氏民共敬貴如君師當時只效烏鵲輩豈是有
意陳尊卑無端後聖穿鑿破一派前導千流隨多方
惱亂元氣死日使文字生姦欺聖人事業轉銷耗尚
有漁者存熙熙風波不獨困一士凡百器具皆能施
眾疎滄腐鱸鱖脫止失檢馭無讒疵人間所謂好男
子我見婦女留鬚眉奴顏婢膝真乞丐反以正直爲

元和縣志

卷三十六

藝文

三

狂癡所以頭欲散不散弁 魏所以腰欲散不散珮
陸離行散任之適坐散從傾欵語散空谷應笑散春
雲披衣散單複便食散酸醎宜書散渾真草酒散甘
醇醪屋散勢斜直樹散行參差客散忘簪履禽獸散
虛籠池物外一以散中心散何疑不共諸侯分邑里
不與天子專隍陴靜則守桑柘亂則逃妻兒金鑣貝
帶未嘗識白刃殺我窮生爲或聞蕃將負恩澤號令
鐵馬如風馳大君年小丞相少當軸自請都旌旗神
鋒悉出羽林仗績畫日月蟠龍螭太宗基業甚牢固

小醜背叛當殲夷禁軍近自肅宗是抑遏輔國爭雄
雌必然大段剪兇逆須召勁勇持軍麾四方賊壘猶
占地死者暴骨生寒飢歸來輒擬荷鋤笠詎吏已責
租錢遲興師十萬一日費不啻千金何以支抵今利
日且箕歛何暇俛首哀惇嫠均荒補敗豈無術布在
方策撐頹隲冰霜襦袴易反掌白面諸郎殊不知江
湖散人悲古道悠悠幸寄羲皇傲官家未議活蒼生
拜賜江湖散人號

貞娘墓

羅隱

元和縣志

卷三十六

藝文

四

春草荒墳墓萋萋向虎邱死猶嫌寂寞生肯不風流
皎鏡山泉冷輕裾海霧秋還應伴西子香逕夜深遊

題吳中陸龜蒙山齋

殷文圭

萬卷圖書千戶貴十洲煙草四時和花心露洗猩猩
血水面風披瑟瑟羅莊叟靜眠清夢永客兒芳意小
詩多天麟不觸人間網擬把公卿換得麼

楓江夜泊

張繼

月落烏啼霜滿天江楓漁火對愁眠姑蘇城外寒山
寺夜半鐘聲到客船

虎邱

宋 俞 桂

突兀浮圖插翠微
吳王事迹總成非
寺僧未晚山門閉
不放閒雲一片飛

平江臘月廿五夜作

陳 藻

昨夜宰猪家祭竈
今宵洗豆俗爲糜
燔柴夾水明如晝
截竹當階爆禦魑
故國賽還新歲願
老翁回憶幼年時
才高命薄天相戲
我亦剛腸不肯悲

吳王試劍石

周 弼

吳王鑄劍成自謂
古難比試之高山
巔石裂斷橫理

元和縣志

卷三十六

藝文

五

那無昔時人相逢
干將里故宮宮中
白日長春風野田
百草香有誰慷慨
不平事披褐踏花
推酒缸

虎邱

元 楊仲友

虎是何年踞名存
迹已亡塔從林外
出山向寺中藏池
暗生寒氣臺荒受
夕陽更無人弔古
來祇爲春忙

過吳淞江

明 顧 觀

吳淞三萬六千頃
震澤與之俱渺茫
鴻雁一聲天接水
蒹葭八月露爲霜
輕風謾颭漁榔笛
落日偏驚估客航
我亦年來倦游歷
解纓隨處濯滄浪

遊虎邱

楊守陳

出城纔數里已到白雲間
但見門臨水那知寺有山
鐘鳴僧出定林動鶴飛還
石磴行行遍花宮盡啓關

春陪呂志學曾彥魯劉仲原同登虎邱賦呈居

中長老

邾經

虎邱山前新築城虎邱寺裏斷人行
梵僧自識灰千劫蜀魄時飄淚
一聲漸少松杉圍窳堵無多桃李過
清明向來游事誇全盛曾對春風詠太平

東禪寺

李應楨

元和縣志

卷三十六

藝文

六

松杉滿院風豆莢一籬綠不聞車馬喧
時有高人宿

己巳九月舟次相城

王鏊

幾年約茲游爲訪石田叟石田今已亡
不使此言負相知三四人拏舟過湖口
行行抵相城自卯將及酉四顧何茫然
天水合爲藪茅屋數家存荒蒲與衰柳
本來魚鱉宮自合鷗鷺守始田者爲誰
餒也非自取有司事誅求亡者十八九
念此爲徬徨獨立延竚久作詩當風謠
以告民父母

夜登虎邱次韻

錢穀

遙憶梅花閣還思修竹林煙迷山徑窅雲鎖石苔深
香界期重宿筠亭擬更臨悠然停采艦燈火晚陰陰

遊虎邱

伊 乘

舟行山在眼到門山忽失去郭僅七里攀磴窮百尺
巖姿互明晦潭影杳深黑步倦松暫憩醉眠草堪席
不逢試劍人猶覩試劍石臺殿半空起雞犬下方隔
經聲雜梵唄禪定悟空寂晉唐歷劫多劉白不世出
閨劇固殊調登覽各有適重來預作期昨游宛然憶
了性未有因寓形何苦役依此愴忘歸於焉永終日

元和縣志

卷三十六

藝文

七

登虎邱寺閣

婁 堅

茲山寶薈蔚能使流目迷高閣出樹顛連峯亘其西
平生山中客今來始攀躋浮圖勢更高登之憚層梯
聊此牕間眺已覺飛鳥低平疇帶曲水遙見來時蹊
高下各有適物理將無齊

劉憲石招遊虎邱奉答

蔣 臣

山川猶昨日金虎氣全凋萬事蹉跎盡千秋涕淚遙
寒螿依畫舫歌柳卧平橋勝地欣相見何年復此宵

虎邱春步

陸壽國

好鳥語芳樹春出遠近看攀厓振蘿策度塔跨雲鞍
縞袖翔飛燕青箋賦木蘭雨餘客去後新月上欄干

拜文信國祠下

金 鉉

復妬自天運臣道無終窮殉節士所恒寧足矜子功
偉哉一文士毅然任卽戎棘行若履坦所在吟淒風
一息苟可奮安忍卽瘖聾九死固所甘但惜炎運終
堪嗟生祭者不足語微衷

塔影園

萬口吉

半壁依青嶂千峯落翠微草堂冰雪路山鬼薜蘿衣

元和縣志

卷三十六

藝文

八

斷塔仍栖鴿荒岡亦采薇中原方格鬪坐卧掩柴扉

虎邱弔五人墓

李之椿

亂賊兒孫擁安危呼吸爭五人能就死衆正始俱生
矯逆原非詔拳兇不爲名忠魂今尚在時映夕霞明

虎邱春眺

朱 隗

桃花水漲沒桃溪掩映紅橋碧草齊萬樹垂楊深兩
裏村南村北鵝鳩啼

五人墓

吳如晦

尚公坐羣兒趨清流士當受誅周吏部灑別淚尚公

聞檻車逮吏部行吳民驚毛開府暗無聲較尉言尚
公詔嗟鼠輩勿聚嘯謂汝詔出天子尚公誰惡敢爾
五人呼萬人起緹帥血滴泥裏此五人良非愚慷慨
死真丈夫虎邱南颺以馳巍然者尚公祠祠未成冰
山傾山南土俄已平廢基下新碑樹巍然者五人墓

客虎邱中秋無月

項聖謨

驚心吳楚客倏忽度中秋明月生何處微風倚寺樓
孤吟淹北渚極目望西疇夜靜風傳柝江臯動遠愁

葑門化城菴留別社中諸友

讀徹

元和縣志

卷三十六

藝文

九

相送了無意臨岐忽黯然回看吳苑樹獨上秣陵船
春老還山路江昏欲暮天白鷗休避我拍拍碧波圓

虎邱

國朝

王士正

闔廬霸業夕陽沉鐘梵空山自古今劍去虎邱青嶂
在水枯鶴澗碧苔侵吳宮歌散聲猶苦越絕書成怨
不任惟有生公臺畔石年年白日照禪心

三

登臨一上可中亭疊嶂回巒面面青昔日山堂誰說
法至今片石尚精靈四圍竹翠晴猶滴萬壑鐘音晚

更聽乘興探梅竟忘返白公堤外雪冥冥

闔廬墓

王士正

劍池春日水清虛石壁臨風弔闔廬於越行成誰狡
獠夫椒往事重欷歔飄零王氣傳金虎寂寞空山葬
玉魚太息恩讎竟何在荒臺青草認姑胥

虎邱雪浪軒眺望

王士正

高閣滴春雪溪山如畫圖輝輝浮震澤靄靄眺吳都
遠近清暉合瓏璵碧樹扶諸天坐來暝香積下飢烏

五人墓

王士正

元和縣志

卷三十六

藝文

十

流連虎阜遊宛轉山塘路石門映迴波英靈此中聚
滿壇松桂陰落日青楓樹生傍伍胥潮死近要離墓
千秋忠介墳鬼雄誓相赴酌酒拂蒼碑寒鴉自來去

東禪寺林酒仙祠

朱彝尊

獨破珠林戒惟貪米汁甘醉鄉仍此地古佛與同龕
北礪遺銘在中吳舊事諳門前留綠樹過客每停驂

闔廬墓

汪懋麟

吳王好寶劍殉葬埋山隅發卒千萬人桐棺藏玉鳧
匣沉劍池底光怪時有無祖龍欲求劍發塚欺廬

忽見白虎踞徒旅皆驚趨此事終茫昧理勢豈然乎
吳宮有嬌女蒸魚命忽徂送葬舞白鶴聚觀萬民俱
發機盡掩之白骨成村墟湛盧惡無道入楚潛去吳
魚腸殺王僚背逆良可吁磐郢送死女寶劍皆空虛
誰能起歐冶此說聞風胡古鐵亦有靈亂邦詎能居
王道自無敵一劍真匹夫區區吳與秦所見亦何愚

眞娘墓

孫枝蔚

世上美人偏不久看花時節舞裙朽化爲黃土香春
風何況當筵親勸酒無人經過不題詩爲問芳魂知

元和縣志

卷三十六

藝文

十一

不知墳前草色青如此城衰裏歌聲那可遲

短簿祠

鄭日奎

我過短簿祠喟然起太息歎君筆如椽乃供幕中畫
喜怒操人意陰謀復誰識嗟乎海西廢安知非君策
晉祚方中徽廟堂孰努力強私而弱公難免春秋責
一祠空復在烜赫已非昔短簿非美名傳呼不與易
信知衆人口嚴於聖人筆寄語文章士身名當護惜

二姜先生祠

潘 耒

軾轍齊名世早知百年忠義繫人思忠傳折檻排奸

曰義想銜刀伏闕時兩地青燐埋宿草一山紅樹妥
新祠吳門野老多相識雪涕爭看幼婦碑

虎邱二姜先生祠

王焜

掖垣抗疏觸天威拜杖淋漓血染衣遠戍孤臣終守
節罷官難弟竟無歸宣州藁葬依靈爽茂苑荒祠隱
翠微下馬行人奠椒醑千秋孤竹並光輝

沈莊樗幽居

馮勗

楊柳塘東更向東綠蒲紅蓼各成叢三家村口少人
過獨木橋邊有路通老屋短垣披薜荔主人長日注

元和縣志

卷三十六 藝文

十二

魚蟲客來彷彿桃源內雞黍爲歡話古風

竹垞先生留宿楓橋慧慶寺夜話追悼陸文孫

徐永宣

朔風號怒紙牕前憶舊僧房感逝川鄉曲公憐楊狗
監天涯吾悼李龜年雪深院落妻無絮葉擁階除突
少煙此夜楓青燈影黑鼓寒霜重不成眠

訪汪鈍翁先生故居

繆沅

山光塔影尚嶙峋遺築邱南野水濱草沒垣衣何限
感乞花場上弔詩人

虎邱同侯粲辰華子山訪山陰戴隱君南枝

杜 詔

共理登山屐兼停訪戴船誅茆容大隱宿草泣高賢

南枝賣字
葬徐俟齋

往事空禾黍傷心只杜鵑塵襟聊一洗清

挹第三泉

楓橋舟次

王圖炳

昔年曾宿楓橋下澹蕩春風漁火夜亂挽垂楊縮畫
橈吳孃低唱雨瀟瀟重來且醉楓橋酒秋江無復青
青柳惟有寒山夜半鐘依然飄到客船中

元和縣志

卷三十六 藝文

十三

同徐曜菴過萬壽寺

張大受

同過精藍地看題舊日名閣非禪月記鐘是福寧聲
老樹雲遮屋清溪月傍城遊人延佇久嬾散一僧迎

邀樸村夜話鏡虹橋

張大受

四先生後君傑出諸少年場僕未能橫港扁舟邀忽
至將門小閣快同登名流星散空傷鳳健筆風生似
脫鷹爲把鏡虹橋畔盞鬚眉歷落照泓澄

補吳趨吟

李必垣

幼伶

鬢髮束髮兒白皙乃無比疎疎眉眼好粲粲脣齒美
五歲教識字從師按宮徵手口兼授受辛苦肆鞭箠
技成鄰里賀父母爲色喜挾之走四方飄然離桑梓
登場傅粉墨當筵矜爪觜參軍與老鶻覲顏不知耻
本心漸放失垂老悔莫徙先王分四民農工商賈士
各各有常業服習自幼始所以風俗完淳悶臻上理
梨園肇李唐近代益波靡吳儂貫成習比閭莫訾毀
生兒教義方罟獲陷童穉隸籍儕教坊編戶弗與齒
若爲急謀生所獲寧有幾輪輿與梓匠執一亦足恃

元和縣志

卷三十六

藝文

十四

濫刻

結繩既已遠書契日以煩竹素事鈔謄厥力亦孔艱
刊本 石晉九經方流傳踵事製彌精累朝蓋相沿
濫觴遂橫流未若今代然白頭老講師橫身踞坵壇
餘吐拾朱程口舌如瀾翻移時變黑白其言浩無端
亦有狡獪子操觚肆譏彈假此立名譽捷徑躋清班

翩翩寡學徒聲韻粗能諳行卷如束筍贈送多厚顏
紛紜逮百家媒褻至稗官奸賈競牟利各各爭雕鐫
此事江南盛此風吳會繁薰蕕誰能判梨棗抑何冤
眞堪剡谿弔翻思嬴秦燔我欲血面請拔本塞其源
六經暨子史日月懸不刊其餘悉禁止一切從焚芟
息邪而放淫庶爲聖道閑衆喙一朝靜正始徐自還
惜權不我有伊誰砥狂瀾

上已陪汪隸園吉士彭瞻庭編修泛舟山塘分

得麗字

徐昂發

元和縣志

卷三十六

藝文

十五

江水碧於雲春山亂若薺蘭棹斜衝香苻開蒲 半
倚東風銳恰是棠梨寒食天紗衣羅扇還修楔主人
勸客頗黎春螺璣銀样自佳麗推篷瀉入明鏡光羣
峯倒影搖青髻花朵如釵紫蝶銜波鱗没 行人揭
依依揆柁出山塘破鼻花香沙路霽赤欄橋畔酒旗
翻白鷺灘頭絲紵繫何處清歌切碧霄杪檀小板琵琶
悵斷腸人載油壁車一路鷺聲官柳細紅裙取醉
非吾事曲磻幽巖欣一憩况從仙老侍琴壺嘲談騷
雅爬根蒂打漿迴船夕氣昏新月梢梢墮衫袂主人

續剪樺燭煙壓酒甘酸粲蕉荔官鼓初搥漏板鳴藏
鈎更睹芎藭謎歆斜醉眼眩紅綠亂襞蠻牋寫清製
樽前回首眞孃墳柘枝紫袖今荒碣明朝風雨却獨
來滿地落花誰奠座

澹泊居花下招同惠仲儒鄭季雅沈歸愚徐龍

三 食作歌卽送季雅入都

顧紹敏

清明雨過春濛濛情懷索莫如寒蛩西河有淚久嗚
咽夜半夢魘驚惺忪古香荒土鬪新塚一杯清醕澆

元和縣志

卷三十六

藝文

十六

蒿蓬書齋魚尾鎖寂寞蛛絲罨席垂簾櫳誰知造物
每多事也復亂發花叢叢鼠姑兩本色欲絕開軒一
笑驚春紅家人怪我少歡緒依然羅幕張輕風竹萌
如玉鱠如雪好友招集開醅濃索郎快靚碧椀凍花
光酒色相瞳矐清平三調久稱絕元輿一賦誰爭雄
諸公才思並清俊妍雅合度吹笙鏞所疑雲龍本一
氣愈何軒達郊何窮飲停鄭子語刺促忽爾言別辭
江東榆錢散打綠陰暗黃沙撲面飛鬢鬆去年作客
太無賴秋南春北隨飛鴻何如束腹卧窮巷卷書細

讀聽長松鄭子掉頭意不爾令我愁別悲忡忡

五人墓

朱奕恂

花市東頭俠骨香斷碑和雨立寒塘屠沽能碧千年
血松檜猶飛六月霜翠石夜通金虎氣荒邱晴貫斗
牛芒片帆落處拏清藻幾伴歸鴉弔夕陽

弔五人墓

林明倫

西市繁霜日南纏貫索中歌詩憂板蕩占象歎屯蒙
國柄歸旁落刑餘蔽主聰衣冠嬰赤族屠狗叫蒼穹
竟觸貂璫怒誰憐骨鯁忠捐生片語易仗義五人同

元和縣志

卷三十六

藝文

十七

道直心寧悔名存死不空招魂隄水上葬骨武邱東
墓草侵階綠山鵑帶血紅要離三尺土千古共英風

虎邱題壁

陳恭尹

虎跡蒼茫霸業沉古時山色尚陰陰半樓月影千家
笛萬里天涯一夜砧南國干戈征士淚西風刀剪美
人心市中亦有吹篴客乞食吳門秋又深

箸包船紀事

王應奎

有船銳其首以箸包裹之名爲箸包船聚泊疑茅茨
浮家無定所忽湖忽江湄居貨挾土產擅技兼卜醫

中有無良者行乞同殘黎詎料豺狼心所志竊童兒
神咒與餅餌給兒兒輒迷牽引至船中毒手恣所爲
或爲矐其目或爲攞其肢或屈曲其體如籛篠戚施
形骸幾變盡父母居然疑清晨負之出索錢號九達
夕仍負以入傾倒囊中資數倘有不充攢刺加鞭笞
苟延此殘喘性命危如絲有時更肆惡視彼軀幹肥
入之人鮓甕飽噉若舖糜吸兒腦與髓嚼兒肝與脾
從此筋骨強便可耐刀錐更 藏秘器賣以療疳羸
一七爲神膏索值恒不訾淫人祈長生食之甘如飴

元和縣志

卷三十六

藝文

十八

又聞湖海濱茫洋有神祠神曰抽筋姆此輩所皈依
重午暨中秣廟門褰靈旗羣船競祭賽以兒爲牲犧
祭罷飲福酒狼籍骼與髓年來迭敗露官長胥周知
勿問所從來立斃陳其屍謂足抵兒命此外無窮治
不究其本根徒然剪旁枝官長法深刻何獨偏仁慈
其毒仍滋蔓其故難尋窺誰爲采風者聽我歌此詩

謁文信國祠

沈德潛

先生今不死萬古仰完人興喪由天命安危仗此身
厓山俱赴難燕市獨成仁遺廟平江路輝 俎豆新

二

故君淪漠北幼主立中朝
家國存餘燼風霜識後凋
臣心指南錄天意浙江潮
此日羞蘋藻誰人賦大招

三

一旅圖興復孤臣立國難
俘囚歸北地生死著南冠
正氣千秋在丹心後代看
西臺舊賓客慟哭淚洑瀾

四

旌節臨吳地今傳信國祠
蛟龍蟠古栢風雨卷靈旗
高棟巍峩曰忠魂陟降時
朔方起輦谷寂寞幾人知

元和縣志

卷三十六

藝文

十九

塔影園文讌

沈德潛

桂香入座午風清簪盞閒
園會友生嘉客攜羣來鹿
水仙槎浮浪自滄瀛吾衰
幸未車生耳類聚欣占鳳
善鳴若箇當筵馳陣馬文
成先吐句庚庚

二

對酒當歌歌可夫由來良
會重吾吳文章聲價關金
石霸業消沉弔螻蛄嵐翠
斷邊銜落照波光定處卧
浮圖興高狂語頻驚坐依
舊江湖一釣徒

三

社事飄零散慎交敦槃此日續西郊道存砥礪聯三
益象取乾離玩六爻剖異正須分黑白和聲終貴合
絃匏諸君預擬明堂詠肯效楊雲作解嘲

四

地是野王文謙地時當白帝駐車時千秋懷古每如
此四國名流某在斯深喜蘇瓌真有子還希杜甫願
多師只慙老我摧頽甚空艷梅村修禊詩

虎邱玉蘭歌

沈德潛

虎邱山背玉蘭樹千春疑有神明護臃腫拳曲仍高

元和縣志

卷三十六

藝文

二十

撐腹空巖石同兒乳榦如虬龍根積鐵天成轉似人
工鑄花開冷艷漫雲衢覆蓋招提徧瓊璐行人高望
眩銀海清氣逼餘難久注傳聞花石成綱年朱勔採
訪窮民間搜巖剔藪貢洛下苑囿彷彿三神山此樹
撥遺置吳苑何異高士雲中眠於今良嶽久灰燼海
湧一樹偏流傳客來正值花繁會坐對霜華增感槩
朱氏子孫遭迸逐潛逃郊外依蒿萊種花花術轉成
名相沿祖業擔花賣惟餘巖畔最高柯曾歷宣和舊
參忤人生鳥影電光同卉木蒼涼閱朝代拙政山茶

久已枯梅村歌後艷吳都筆墨從來能壽世賦詩作
繪仗通儒坐中恰有丹青手倩寫晴嵐古雪圖

題家匠門潮生閣

張雲章

綺疏通遠岑活碧弄淺渚我欲攜被來夜聽舟人語

二

元和縣志

卷三十六

藝文

二十二

三宿戀未休百川時已灌披襟雄風來圖畫四面看

觀梅高酣亭

徐夔

二月寒轉甚江梅春正賒眞成冰玉骨纔放兩三花
岍曲猶殘雪池清更淺沙山公好事者頻寄一枝斜

過樾公古栢山房

徐夔

罨畫雲山處禪房傍樹低祖師曾種栢居士忽聞犀
大意叅牛跡吾生學馬蹄庭臯秋響急猶自叫莎雞

獅子林

張鵬翀

仇池九十九嵩少三十六每誦坡公詩悠然想游目
忽逢獅子林瑰麗森萬族豈真山可移詎假地能縮
遠迴萬里勢直作巾笥蓄吳中古禪隱妙意創幽獨
劃如巨靈開倒若華頂蹙窺之繚而深入則窈以曲
盪空風馮虛穿竇曰解駁欲出津已迷轉進道疑複
空靈開心蓬晃眩媿眼肉忽捫巖腹松小倚亭陰竹
元和縣志

卷三十六

藝文

二十三

遙想古牕閒焚香道書讀結廬慕張邴聯句聚皮陸
我來春雨餘娟麗鬪新沐興隨清吟豪游怕夕陽促
遠當鄰麻姑近可配林屋壺中峯欲走褻底石應恣
平生勝覽稀此夕詫竒福贏得夢魂中亂雲峯矗矗

遊師子林同喬慕韓顧景嶽賦 王廷魁

我遊師林寺遂造師子峯幾年闢靈境巧琢驚天工
狻猊何狡獪特兀踞其中鏤空多石洞萬竅殊玲瓏
初入巖下穴雨氣疑溟濛彳亍三五步日光轉融融
曲折穿上下目眩迷西東一步一換形如人神仙宮

憇磴意恍惚臨去心恍恍忽聞松濤聲林外來秋風

八月三日上虎邱

李重華

不爲紅裙逐隊來天香吹我上層臺滿山秋日正殘
暑已有桂花攔路開

同張南華虎邱後湖晚步

翁照

結伴尋秋趁小晴幽溪寂寂少人行友如作畫須求
澹山似論文不喜平乍脫疎林深淺色欲殘清磬有
無聲爲耽此處林泉好連袂還來坐月明

千人石夜坐

翁照

元和縣志

卷三十六

藝文

二十四

幽尋常得好懷開月冷風清獨舉杯此景有誰能領
暑千人石上一人來

虎邱

沈用濟

山以寺爲門司徒蹟尚存殿形銜木杪鐘響落雲根
虎散金精氣煙寒紫玉魂生公徒聚石無法可名言

貞娘墓

呂楷仁

艷色傾城屬舊聞依然坏土對斜曛香魂應聽生公
法舞袖歌衫付白雲

移居淥水園和秦南岡韻

朱襄

去家百里欲歸難
妻女相隨未易安
終媿驚猿兼怨鶴
敢誇泊鳳與漂鸞
蘇臺一見情如舊
臯廡重逢意暫寬
况許平分花月地
聯吟亦足慰飢寒

泛舟澹臺河

秦應陽

借得青蓑上釣船
湖光灩澦浸春天
人行細雨輕煙外
詩在新蒲弱葦邊
白鳥橫飛山影破
紫鱗驚躍浪紋圓
蒼茫漸覺村莊近
一點漁菴傍葑田

正月一日雪中過芳潤堂用東坡聚星堂雪詩

韻

繆嗣寅

元和縣志

卷三十六

藝文

二十五

重雲凝空不成葉
極目寒城萬家雪
新年屏却塵事喧
出戶更喜人蹤絕
茫茫遠山微可覩
遮道長松壓欲折
造門早識故人在
屐印階泥迹未滅
新詩示我騁雄怪
碧海翻鯨尾掣消
寒共斟栢葉酒一
吸盃空醉眼纒傍
檐鳥雀聲苦飢翻
翅紛紛墮餘屑
詩狂醉舞足自了
那惜飛光去如瞥
君家客滿尊不空
玉山風雅猶堪說
急收清景入毫端
凍筆難呵勁於鐵

秋夜宿匠門先生潮生閣

顧若霖

閣枕清流間錄槐
秋空明月滿潮來
星河遠岸容登

陟草樹平江與溯迴城暗鼓聲隨水上風鳴燈影趨
船開不知黃葉臨牕急破夢濤寒觸似雷

闔廬墓

周準

闔廬舊壤草萋萋遺墓猶存澗畔蹊孤嶺何年傳虎
踞碧林盡日祇烏啼長驅蚤見威荆塞積怨寧忘渡
越溪太息霸圖旋廢棄九原回首迥含悽

謁甫里先生祠

周準

江湖永栖托生計甘不飽終古散人祠市塵不相擾
名高匪絕羣性直詎鄰絞翻嫌漁具傍猶有徵書攬

元和縣志

卷三十六

藝文

二十六

清風動遠懷誰同薦溪茆

網師小築十二詠

宋宗元

北山草堂

樹萱堂之北結屋山之南屋敞謀還葺山幽許更探
爲貧歸未得濟勝具猶堪比 多賢達

與沈歸愚彭芝庭諸公爲

比鄰花時興正酣

梅花鐵石山房

敢托餘芬遠芳型屬在茲賦中窺骨榦花外想丰姿
韻自開元勝香寧鄧尉差肝腸期共證只索可人知

濯纓小閣

倒影吞飛閣波澄似鏡明
晨光涵共潔晚唱溜同清
脫帽三盃醉枕肱一榻橫
覺來臨檻照咄咄尚塵纓

花影亭

孤亭空所有笛弄落花天
雁漏雲間字苔沉石上泉
筠簾風細鏡檻月娟娟
好共歌喉轉踰躅趁舞筵

麗矚樓

底似凭樓好南園淑景回
日篩花影碎鶯逗柳煙開
四野霞成幄千村錦作堆
誰當一攬盡取次付敲推

元和縣志

卷三十六

藝文

二十七

度香艇

信宿憐漁父生涯足釣船
蕭疎一翫雨杳靄半池煙
遮莫浮家久相將繫艇偏
風來香滿座何似棹前川

半巢居

古風懷木處野性愜巢居
借得一枝足依然三匝餘
妥紅裯自滿生白室偏虛
只欲摩吾腹憑高好曬書

溪西小隱

小有天何在源深徑欲迷
雙屏開隱現一水界東西
虹亘林梢渡雲鋤屋角畦
澆書閒覓酒隔岸喚山妻

小山叢桂軒

結山不厭小，種桂却成叢。
位置三椽屋，婆娑一畝官。
影搖歌扇月，香趁酒旗風。
更愛軒東望，排青蔽遠空。

斗屠麻

山靜日逾永，消磨寄一廛。
打頭成率爾，容膝便悠然。
吟罷焚香坐，酣來倚枕眠。
何須營廣廈，只此足安禪。

無喧廬

避喧漫道幽，棲穩心遠何。
妨近市居好，鳥勸人一尊。
酒清風窺我，半牀書蕭疎。
竹影初晴候，歷落暮聲午。

元和縣志

卷三十六

藝文

二十八

夢餘除把未償詩債了，應無剝啄到吾廬。

蹈和館

自笑棲栖謀室處，書生頭腦故冬烘。
大裘萬丈香山老，廣廈千間錦里翁。
憐我一寒聊自異，愧他三昧與人同。
搆來燠館猶蝸舍，也假人工輔化工。

元和縣志卷之三十六終